



Partido Movimiento Electoral di Pueblo (MEP)
atencion di sr. J. Arends, presidente
Santa Cruz 74-D
Aruba

Oranjestad, 31 di augustus 2009
CBB 39-09/LdS/lm

Asunto: Incidente parada di 23 augustus 2009

Apreciable señor Arends,

Pa medio di esaki Comision Bon Boluntad (CBB) ta solicita bo atencion pa e sucesonan di diadomingo dia 23 di augustus ultimo, unda cu durante e parada di partido AVP, mientras cu esaki tabata pasa na altura di cruzada di supermercado Mundo Nobo na Santa Cruz, un grupo di simpatizante di partido MEP a acerca e caravana cu un actitud agresivo, tirando insulto y menaza den direccion di e participantenan. Hasta cos a bay asina leu cu insulto di indole racista a ser expresa contra participante color scur, algo cu naturalmente no por acepta ni tolera, pasobra e ta contra nos constitucion.

CBB tin entendi cu Cuerpo Policial a haci un yamada riba candidato di partido MEP, sr. Dochi Lee, cu tabata organizando un evento den un establecimiento ey banda, pa pidi e simpatizantenan pa aleha nan mes di e parada. E yamada aki a ser haci cu ekipo di zonido algun vez pero no a insisti den e esfuerzo ora e grupo di simpatizante no a haci caso. E persona cu a keda haci intento pa logra cu e simpatizantenan di MEP aleha di e parada tabata sr. Harry Croes, algo cu CBB ta aprecia. Finalmente, actuacion fuerte, pero corecto y tactico di cuerpo policial a evita algo peor.

Ta spera cu partido MEP, sigur den e ultimo simannan prome cu eleccion, lo usa su influencia riba su seguidornan pa nan desisti di e tipo di accion aki y apela na nan sano juicio pa respeta ley y actividad di otro partido y mantene semper e respet pa otro ciudadano bao di tur circunstancia.

Atentamente,
Na nomber di Comision Bon Boluntad

Lydia Emerencia
Presidente

c.c.: sr. Dochi Lee;
prensa